

06-01-2021

Sarajevo,  
Broj: 01-11-3-721

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-273 od 05.01.2021.godine, Generalna direktorica donosi:

### **ODLUKU**

o izboru najpovoljnijeg ponuđača za

**Nabavku i isporuku cirkulacionih pumpi, grijnih tijela, rezervnih dijelova za grijna tijela i mjernih instrumenata za potrebe Mašinske službe**

#### **I**

Prihvata se prijedlog Komisije za javnu nabavku, **Izvještaj br. 10-33-4-273 od 05.01.2021.godine**, za postupak nabavke "**Nabavka i isporuka cirkulacionih pumpi, grijnih tijela, rezervnih dijelova za grijna tijela i mjernih instrumenata za potrebe Mašinske službe**", nakon provedenog konkurentskog zahtjeva objavljenog na portalu e-nabavke pod brojem obavještenja 893-7-1-859-3-552/20 od 17.12.2020.godine i Okvirni sporazum na period od **24 mjeseca** se dodjeljuje ponuđaču **Credibil Company d.o.o. Sarajevo**, u iznosu od **15.000,00 KM bez PDV-a**, te će biti zaključen u skladu sa jediničnim cijenama dostavljenim u ponudi - Aneksu 3.

Ukupna vrijednost Okvirnog sporazuma: **15.000,00 KM + PDV 2.550,00 KM = 17.550,00 KM sa PDV-om**

- Uslovi plaćanja: odgođeno plaćanje u roku **60 dana** od dana isporuke i ispostavljanja fakture.
- Vrijeme trajanja Okvirnog sporazuma: **24 mjeseca ili do isteka ugovorenih finansijskih sredstava.**
- Rok isporuke: **10 do 15 dana od dana prijema narudžbenice.**

#### **II**

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2. Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

#### **III**

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a putem web stranice Kantona Sarajevo.

### **O B R A Z L O Ž E N J E**

U skladu sa Odlukom Generalne direktorice KCUS-a br. 01-04-4-58696-1 od 16.12.2020.godine, pokrenut je postupak javne nabavke "**Nabavka i isporuka cirkulacionih pumpi, grijnih tijela, rezervnih dijelova za grijna tijela i mjernih instrumenata za potrebe Mašinske službe**". Procijenjena vrijednost nabavke je **15.000,00 KM bez PDV-a**, sredstva su planirana Planom javnih nabavki KCU Sarajevo za 2020.godinu, pod klasifikacijom **robe, redni broj 32.** (Odluka o usvajanju Plana javnih nabavki KCU Sarajevo za 2020.godinu, broj 04-2-32337 od 16.07.2020.godine).

Klinički centar Univerziteta u Sarajevu je 17.12.2020.godine, objavio Obavještenje o nabavci broj 893-7-1-859-3-552/20, na portalu e-Nabavke zajedno sa Tenderskom dokumentacijom za nabavku i isporuku cirkulacionih pumpi, grijnih tijela, rezervnih dijelova za grijna tijela i mjernih instrumenata za potrebe Mašinske službe.

U skladu sa Čl.88 Zakona o javnim nabavkama Poziv za učešće u postupku javne nabavke putem e-maila i faxa upućen je 17.12.2020.godine slijedećim ponuđačima:

- *Credibil Company d.o.o. Sarajevo*
- *Senigor d.o.o. Sarajevo*
- *LUK d.o.o. Sarajevo*

*Službeni pečat*

Obzirom da je tenderska dokumentacija za postupak nabavke objavljena na portalu e-Nabavke 17.12.2020.godine, istu je preuzelo 10 (deset) ponuđača, a do krajnjeg roka određenog za prijem ponuda, 28.12.2020.godine, od 11,30 sati, dostavljene su 3 (tri) ponude.

U narednoj tabeli je dat pregled o prispjelim ponudama.

R. br. ponude	Ponuđač	Broj i datum dostavljene ponude	KCUS/broj protokola Datum i vrijeme pristizanja ponude	Cijena ponude bez PDV-a / KM
1.	<b>Credibil Company d.o.o. Sarajevo</b>	994-12-E/20 od 28.12.2020.godine	10-11-3-60491 od 28.12.2020.godine u 09:15 h	15.000,00
2.	<b>LUK d.o.o. Sarajevo</b>	14/15822/20 od 25.12.2020.godine	10-11-3-60544 od 28.12.2020.godine u 10:43 h	13.621,63
3.	<b>Senigor d.o.o. Sarajevo</b>	70-12/20 od 28.12.2020.godine	10-11-3-60549 od 28.12.2020.godine u 10:50 h	13.047,71

### **Analiza dostavljenih ponuda**

U skladu sa zahtjevima definisanim tenderskom dokumentacijom koje treba da ispune ponuđači da bi stekli uslove za dalju kvalifikaciju u javnom nadmetanju, Komisija imenovana Odlukom br. 01-04-4-59913 od 23.12.2020.godine, je izvršila uvid i provjeru dokumenata svake ponude ponaosob i ocijenila njihovu formalnu i suštinsku valjanost, te konstatovala slijedeće:

- Ponuda ponuđača „**LUK**“ d.o.o. Sarajevo, nije uzeta u daljnje razmatranje iz razloga što ponuda nije dostavljena u skladu sa Zahtjevima Tenderske dokumentacije koji je naveden u tački 5. Ostali uslovi za kvalifikaciju, stav (2) u okviru koje je se od ponuđača traži: „Uz ponudu također dostaviti tehničku specifikaciju - Aneks 3 preuzet sa portala JN elektronski obrađen – popunjen u MS Excelu i pohranjen na CD-u ili USB sticku“. **Ponuđač nije dostavio ponudu u elektronskoj formi pohranjen na CD-u ili USB sticku pa samim tim ne ispunjava uslove dalje kvalifikacije i razmatranja ponude.**
- Ponuda ponuđača „**SENIGOR**“ d.o.o. Sarajevo, je formalno-pravno ispravna, ali nije uzeta u daljnje razmatranje iz razloga što ne ispunjava zahtjeve iz tehničke specifikacije – Aneks 3.Tenderske dokumentacije. Naime, tačkama 1.12, 1.13, 1.14, i 1.15 tehničke specifikacije / tabele traži se nabavka radijatorskih članaka od livenog gvožđa različitih dimenzija za koje je ponuđač naveo u rubrikama kolone 3 tabele da ih ima namjeru nabavljati od proizvođača Elba Basınçlı Döküm Sanayii A.Ş., Republika Turska i kao takve isporučivati Ugovornom organu. Imajući u vidu da ponuda ne sadrži tehničku dokumentaciju proizvoda na osnovu koje Ugovorni organ može jasno utvrditi da li ponuđeni proizvodi odgovaraju traženim proizvodima, Stručna lica Ugovornog organa su uvidom u internet stranicu proizvođača (<http://www.elba.com.tr/en/>) i uvidom u njegovu zvaničnu katalošku dokumentaciju koja se može preuzeti na navedenoj stranici (<http://www.elba.com.tr/en/content/643/product-catalogues>) zaključio da proizvođač ne nudi (pa samim time i ne proizvodi) radijatorske članke od livenog gvožđa koji su traženi navedenim tačkama. **Uzimajući u obzir navedeno, ponuda ponuđača SENIGOR d.o.o. Sarajevo, nije prihvatljiva i ne uzima se u dalje razmatranje.**
- Ponuda ponuđača „**CREDIBIL COMPANY**“ d.o.o. Sarajevo, je u potpunosti formalno, pravno i tehnički ispravna, dostavljena u skladu sa svim zahtjevima Tenderske dokumentacije i kao takva **jedina ispunjava uslove kvalifikacije i prihvatljiva je za predmetnu nabavku.**

Imajući u vidu gore navedeno, te u skladu sa Članom 3, stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16), **nije bilo moguće zakazati postupak e-aukcije, postupak nabavke se okončava u skladu sa Čl.69. stav 1)a) ZJN.**

Obzirom da je cijena jedine prihvaljive ponude u okviru osiguranih sredstava za nabavku, te da je u provedenom postupku javne nabavke zadovoljena transparentnost, Komisija je, **Izvještajem br. 10-33-4-273 od 05.01.2021.godine**, jednoglasno dala prijedlog Ugovornom organu da se donese odluka o izboru najpovoljnijeg ponuđača i Okvirni sporazum na period od 24 mjeseca za „**Nabavku i isporuku cirkulacionih pumpi, grljnih tijela, rezervnih dijelova za grijna tijela i mjernih instrumenata za potrebe Mašinske službe**“, dodjeli ponuđaču „**CREDIBIL COMPANY**“ d.o.o. Sarajevo, u ukupnom iznosu od **15.000,00 KM bez PDV-a**, a prema dostavljenim jediničnim cijenama u ponudi broj 994-12-E/20 od 28.12.2020.godine - Aneks 3 koji će činiti sastavni dio Okvirnog sporazuma.

Prijedlog Komisije je prihvaćen i donijeta je odluka kao u dispozitivu.



**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

*Dostaviti:*

- Ponuđačima
- Tehnički sektor
- a/a KCUS

*Prof. dr. Sebija Izetbegović*